

АЁЛ БИЛАН ОЛАМ МУНАВВАР



O'zbekiston adabiyoti va san'ati

ЎЗБЕКИСТОН АДАБИЁТИ ВА САЊАТИ Haftalik gazeta • 1956-yil 4-yanvardan chiqa boshlagan • www.uzas.uz • 2008-yil, 7-mart • № 10 (3942)

САДОҚАТ ВА ВАФО ТИМСОЛИ

Бу йил баҳор бироз сокинтириб келди. Қиш чўзилмади, аммо қаҳрига олиб, бардошимизни, йилнинг бу фаслига кўрган тадоригимизни синовдан ўтказди. Шу боис, баҳорнинг биринчи кунидек кўнглимизга кўтаринки туйғулар мавжланди, кайфиятимиз чов бўлди.

1 март куни пойтахтимизнинг сўлим хиёбоналаридан бирида Ўзбекистон халқ шоираси Зулфиянинг муаззам ҳайкали тантанали равишда очилди. Юртбошимизнинг мунис ва меҳнаткаш, ҳаётнинг ҳар қандай оғир зарба ва синовларига дош бериб, ўзини йўқотмай, сабр-тоқат ва шукроналик билан яшайдиган ўзбек аёли, ўзбек шоирасининг тимсолини бадий равишда таъсирчан акс эттириш лозимлиги тўғрисидаги ғояси Ўзбекистон халқ рассоми, таниқли ҳайкалтарош Равшан Миртожиев ишлаган ҳайкалда ўз ифодасини топангайига ушбу маросимда иштирок этган жамоатчилик вакиллари, ижодкор зиёлилар, шоиранинг она аъзолари ва кўпсонли шогирдлари ишонч ҳосил қилдилар.

Маросимни Тошкент шаҳар ҳокими А.Тўхтаев очди. Ўзбекистон Республикаси Президентининг Давлат Маслаҳатчиси Хайридин Султонов, Ўзбекистон Қаҳрамонлари, халқ шоирлари Эркин Воҳидов, Абдулла Орипов, Ўзбекистон халқ шоираси Ойдин Ҳожиева, Зулфия номидаги Давлат мукофоти соҳибдори, ёш шоира Д.Усмонова, Зулфиянинг қизи, адабиётшунос оlima Хулқар Олимжонова ўз сўзларида Президент Ислам Каримов раҳнамолигида мамлакатимизда илм-фан, маданият, адабиёт ва санъат соҳасига катта эътибор берилганлигини, Ватанимиз, халқимиз тарихида ўрчим из қоздирган, бутун ҳаёти ва ижодини мил-



лат равнақига бағишлаган атоқли адиблар, фан ва маданият намояндalarининг эл-юрт олдидagi улкан хизматлари муносиб баҳолалиб, уларнинг хотирасини абадийлаштириш, келажак авлодларга қолдирган меросини асраб-авайлаш, бу меросдан ёш авлодининг баҳраманд бўлишини таъминлаш борасида кенг қамровли ишлар амалга ошириладиганини алоҳида таъкидлаб ўтдилар. Дарҳақиқат, истиқлол йилларида бу нурафшон кунларга етиб келолмаган қатор марҳум шоир ва ёзувчиларимиз давлатимизнинг юксак мукофотларига сазовор бўдилар, таваллауд кунларининг юз йиллиги мамлакат миқёсида кенг нишонланди, асарлари чоп этилди. Хусусан, Рафур Гулом, Абдулла Қаҳҳор каби устоз адибларимизга мухтарам ҳайкаллар ўрнатилди.

Давагимиз раҳбарининг 2007 йил 13 сентябрдаги "Тошкент шаҳрида Ўзбекистон халқ шоираси Зулфиянинг хайкалини ўрнатиш тўғрисида"ги қарори халқимизнинг суюкли фарзанди Зулфияхонимнинг миллий адабиётимиз равнақига қўшган улкан ҳиссаси, маънавий мероси ва ибратли жамоатчилик фаолиятининг яна бир амалий эътифоси бўлди.

— Бутун биз баҳорларни интизор кутган, ёруғ ҳаёт куйчиси, халқимизнинг севимли шоираси Зулфия опамизни ёд этиб, у кишининг хотирасига ўрнатилган бетакрор хайкалнинг очилиш маросимида қатнашиб тур-

рибмиз. — деди Абдулла Орипов ўз сўзида. — Миллатимизнинг аса фидойи фарзандларини қадрлаб, уларга юксак даражада иззат-хурмат кўрсатаётган мамлакатимиз Президенти мухтарам Ислам Каримовга барча юртдошларимиз, зиёлиларимиз, адабий жамоатчилик номидан чуқур миннатдорчилик билдирамиз. Зулфия опамиз мураккаб даврда яшаса-да, эзгулик ва ойдin туйғуларни балан пардаларда куйлай олди. Ҳаётдан жуда эрта кўз юмган бетакрор сўз санъаткори Ҳамид Олимжоннинг номини бир умр ардоқлаган шоира садақат ва вафо тимсолига айланди.

Зулфия узоқ йиллар аёлларимизнинг севимли наشري бўлиши "Саодат" журналига раҳбарлик қилди. У кишининг ишларида Шарқ аёлининг, ўзбек аёлининг фазилатлари мужассам эди. Бетакрор истеъдоди туйғули эзгулик, биродарлик куйчиси сифатида жаҳонга танилди. Унинг "Мушонара" шеъ-

Заҳматкаш, меҳнаткаш шу қалам билан Буюк асримизнинг сиз ҳам нақлисиз. Даврга гоҳ қувонч, гоҳ алам билан Баҳо бермоқдikka сиз ҳам ҳақлисиз.

Қоронғу тунларда оловли сўзни Кимки машғал қилса, толе унга ёр. Бахтли аёлман деб атабсиз ўзни, Сиздай шоири бор халқ ҳам бахтиёр.

МАЪНАВИЯТ ОНА АЛЛАСИДАН БОШЛАНАДИ

Инсон тарбияси келажаги билан ҳамроҳдир. Яхшилиги ёмонлик билан чархалак дунёда, болам ўз йўлини бўласин, дейди она, доим эл ичра бўл, дейди. Она алласида элга фидолик гаъвати бор. Чақалоқ ҳаётнинг илк таъмини ана шундай тилаклар ила топади. Оналар бир қўли билан бешикни, бир қўли билан дунёни тебратадиган дейдилар. Чунки уларга дунё ишониб топширилган. Миллат қад ростлаган жойда оналарнинг хизмати беҳисоб бўлади.

Шоир Шавкат Раҳмон "Тараққиёт — севаман сени, тараққиёт — қўрқаман сендан" деб ёзган эди. Бунинг боиси, илм-фан тараққиётининг қувончи, ташвиши жиҳатлари ҳам бор. XXI асрда инсоният ўзи яратган ихтиролар боис, маълум муаммо ва зиддиятларга ҳам дучор бўлди.

Бутунги кунда алоқа воситаларининг шиддат билан ривожланиши, компютер, электрон почта, интернет, космик телевидение алоқа тизимларининг кучайиши ёш авлод дунёқарашига ғоявий таъсир ўтказиш имкониятларини ҳам кенгайтириб юборди. Аслида, инсоният бир-биридан хабарсиз яшай олмади. Давлатларнинг ривожланиши, тараққиёти ҳам ўзaro ҳамкорлик алоқаларига боғлиқ. Вақт — бутунги дунёнинг қимматли ашёси экан, ундan унумли фойдаланиш, яшаш ва яратишга улгуриш учун одамзода нимага бўлаб толмади, дейсиз. Бутун Қашми туманининг энг чекка қишлоғида туриб ҳам бемалол олис Японияда содир бўлган, бўлаётган янгиланган хабардор бўлиш мумкин. Мағрибда пайдо бўлган гошлар зум ўтмасдан Машриққа етиб келади. Бундан кўринадики, ахборот бутунги дунёнинг энг қудратли қуроли бўлиб қолди. Тараққиётнинг бу қуролидан кимлардир эзу максадларда, кимлардир эса ёвуз ниятда фойдаланмоқда. Ахборот хуружларини махсус сценарийлари, ёш авлод онгини захарлаш, уларни тўғри йўлдан оғдириш режалари тузиммоқда.

Давоми иккинчи бетда.



АТИРГУЛИМ, АТРИНГНИ СОЧ...

Мана, бир неча йилдирки, Ўзбекистон журналистлари ижодий уюшмаси Журналист аёллар клуби, мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш фонди ҳамда республика Хотин-қизлар қўмитаси би-

лан ҳамкорликда "Атиргул" танловини ташкил этиб, матбуотимизда фаолият юритаётган энг фаол журналист аёлларни рағбатлантириб келмоқда. Танлов ҳайъатига ҳавола этилган кўлаб ижодий ишлар орасидан энг маъбудларни танлаб олинади ва уларнинг муаллифлари голиб деб эълон қилинади.



БАЙРАМИНГИЗ МУБОРАК АЗИЗ ОПА-СИНГИЛЛАР!

Миллий матбуот марказида мазкур танловнинг 2007 йил буйича якунларига бағишланган тақдирлаш маросими бўлиб ўтди. Танлов якунига кўра, Хоразм вилоятида нашр этиладиган "Мухофаза" газетаси мухбири Муқаддас Исмоилова, "Тош-

кент" телерадиоканали "Пойтахт" ахборот дастури муҳаррири Хушнoза Маҳмудова, "Туркистон" газетаси мухбири Майсара Назарова, республика Хотин-қизлар қўмитаси ахборот-матбуот маркази бош мутахассиси Феруза Орипова, "Водий садоси" радиоси бошловчиси Елена Петрусевич, "Муштум" журнали масъул котиби Азиза Солиқова, Ўзбекистон электрон оммавий ахборот воситалари миллий ассоциацияси ахборот маркази бошловчиси Мадина Собирова, "Қарақалпақстан жаслари" газетаси бўлим муdiri Гулнора Турдишова, "Ўзбекистон адабиёти ва санъати" газетаси катта мухбири Иқбол Қўшшаева танлов голиби деб топилди.

12 март — халқаро хотин-қизлар байрами арафасида голиб ҳамкасбларимизни самимий муборакбад этамиз.

Ушбу сонда:

- Садоқат ва вафо тимсоли
- Аёл мадҳи
- Саҳнада яшаётган аёл
- "Баҳри муҳит"нинг уч лойиҳаси
- Осмон нега зангори?
- Сарой Мулк хонимнинг жавоби
- Икки Жизел

"АСАКАБАНК":
ишонч,
унум,
баракат!

**ОДДИЙ, АММО
МУҲИМ МАВЗУ...**

"Ўзбекистон адабиёти ва санъати" газетасининг навбатдаги сонини ўқиб бўлиб, мамнуналик билан қўлимга қалам оқдим. Бу газета кўлаб ижодкор зиёлилар қатори, мен учун ҳам қадрдон бўлиб қолган, узоқ йиллардан бери ҳар жума мириқиб мутлола қиламан. Газетанинг ҳар бир сониде адабиёт, санъат, маънавият ва маърифат, одоб-ахлоққа доир қизиқарли мақолалар эълон қилинаётгани, адабиётимизга кириб келаётган ёш истеъодларга алоҳида эътибор берилганлиги мени бениҳоя қувонтиради. Мана, бугун ҳам газетда салом бериш одоби тўғрисидаги мақолани ўқиб, қувондим. Бир қарашда, мавзу жуда оддий. Аммо, кейинги пайтларда кўп-кўп бу одобни унутиб қўяётганимиз, ҳаётимизга кириб келаётган "оммавий маданият" таъсирида бир-биримиздан ахвол сўраш ҳам насия бўлаётгани сир эмас.

Адабиёт газетаси болалар адабиёти муаммолари, жажжи ўқувчилар учун нашр этилаётган китобларнинг савияси, болалар насри ва шеърятининг ютуқ-камчиликлари ҳақида бошқаларга нисбатан кўпроқ ёзмоқдaки, бу ҳам қувонарли хоҳдир.

Мухтарам Президентимиз ўз маърузаларида ёш авлод тарбиясига алоҳида эътибор берадилар. Фарзандларимиз соғлом, ақлли-хушли, одоб-ахлоқли, зарур билимларни чуқур эгаллаган бўлишлари учун тарбия ишлари жуда аввалдан бошланган лозимлигини уқдирадилар. Бу вазифани бажаришда бадий адабиётнинг ахамияти жуда ҳам катта. Ёшлигидан китобларга ошно бўлган, эртак тинлаган, ота-онасининг насихатларини кўнгалга жо қилган боладан кейинчалик асло ёмонлик чиқмайди. Умрим давомида бу ҳақиқатга жуда кўп бор амин бўлганман.

Газета ижодий жамоасига амалга ошираётган хайрли ишларида янгидан-янгилар муваффақиятлар тилаб қоламан.

ҲАКИМ НАЗИР,
Ўзбекистон халқ ёзувчиси

"ҒАЛЛАБАНК"
ҳамкоринг бўлса,
ҳисобингдан адашмайсан!

